


रवि शाक्य, इखाछै, यल

पुलांगु म्ये



मुं म्ह-

श्री ठाकुरलाल मानन्धर

नेपाल भाषा परिषद् सफू गू ६ गू

पुलांगु म्ये
(प्राचीन गीति संग्रह)

मुंम्ह-
ठाकुरलाल मानन्धर

नेपाल भाषा परिषद्

नेपाल भाषा परिषद्

पिकाक-

नेपालभाषा परिषद्

३६१ न्यत, तुंछे,

कान्तिपुर-१३ (नेपाल)

ने. सं. ११११ सिपुह्नी

नह्यक्वः खुसी १००० गू

मू:- च्यातका (८१)

थाकू-

बी. एस. प्रिन्टिङ्ग प्रेस

लगं दलाछि, ये

छुमां

संघर्षमय जीवन । न्ह्याथाय् सो परस्पर विरोधी दलया ल्वापु ख्यापु । शान्ति गन काःवने ? गुगुं देश वा राष्ट्र थ्व विरोधी दलया ल्वापु ख्यापु तथा संघर्षं मिन्न च्वने फुगु मखु । साहित्य, संगीत व कला थ्वपिं सोह्ना त.केहे धाःसां ज्यू । जि स्वयेला, अपि च्वंथाय् तक यदि शान्ति धैगु द हे दुसा अमिके दु । विशेष, संगीतयाके आपा दै खना । छाया धाःसा साहित्य सीकः वनेबले झीपिं नं साहित्यज्ञ जुया वंसा जक अन दुध्याइ सिवाय अशिक्षित जुया वनां दुध्याइ मखु, अथेहे कला सीकः वनेबले नं थ्वमिथाय् पक्ष याइगु सम्भावना खनेदु-दुध्याके दुमथ्याकेया भेद, अले वहे विरोधी पक्ष नापया संघर्ष, परिणाम, शान्ति मचासां बुलुइ अवश्य । तर संगीतयाके थुगु किसिमं छुं हे भेद भाव दये मदु । छाया न्ह्याम्हं थ्याः । विद्वान् हे जुया नं वने म्वाः । साहित्यविद् कला-विद् धाय थें संगीतज्ञ जुया वने माःगु नं आवश्यकता मदु । झी संगीत तथा म्येया राग ताल मस्यूपिं साधारणपित नं कविता जुया दर्शन बिया हः । उकि दर्शनामिलाषी झीत मने कुनु कुनु तंम्बेका नैराश्य पासा ज्वना लिहां वये म्वाः । विरोधी दल संघर्ष आदिया गन्ध हे मदु । सो सो थाय् कविता देवीया छचाख्यरं शान्ति शान्ति जक-वया म्हं हे पिज्वया वःथें च्वंक । हानं अय्धका साहित्यविद् कलाविद्यात दैगु आनन्द तोफ्यूगु मदु । व हे रसानुशीलन गाक्क दु । जीवनया बांमलागु ख्वाः बांलाका क्यनेगु वास्यां च्वंहासित च्वं धाय्का क्यनेगु, एवं अनेक भाव व रसयात माःमाःथाय् हना झीत संघर्ष परिपूर्णगु जीवने ह्याइपु छचाये दय्का बीगु, थुलि उपो छु मानि झीत ? थ्व म्ये तथा कवितां

मावको याना च्वंगु दु । दुःखया खे कंसा सुख दयेक कना लय् लय्
 तायकेगु, मयःथे च्वंगुयात ययिपुकेगु, ह्याइपु थे च्वंगुयात न्ह्याइपुका
 हयेगु । देवं हे मव्यूगु बिया वयनिगु । गुजोगु देन ।

तुइक गजू छुना तःगु थ्व भरायगोगु हिमाञ्चल मन्दिरया त्वाफले
 च्वना झी आज्जुपिसं थ्व साहित्य, संगीत व कलादेवी तःकहे स्वरूपसितं
 बांलाक स्वना तसतं सेवा सुश्रूषा याना वया च्वंगु खने दु । पश्चिमया
 मनीगु फसं कयि धका फगांफछि थ्व हाकुगुंया कापे-नेपाः गाले याउँक
 सोथना थकल । तर समयया वाफये वया तोपुसा लपते पुइके थे पुइका
 मज्यू मज्यू सोथना तःगु आज्जुपिनिगु धन सर्वे पिल्हका वयन । उकिया
 फल-आः थौं झीके च्यासः पुं मयाक स्याचु स्याचुगु म्ये दये धुंकल ।
 हानं गुलि पिहाँ वइतिनि थे, पुसा उले हे धुंकल ।

थ्व कविता झी धार्मिक प्रकृतियापि जूया निति आपाः छो
 छोपिनिगु स्पुति प्रशंसाया म्ये जुया च्वन, अयजूसां नं भावभक्तिया हू
 वयेका ह्याज्यो तालं साहित्यया रस-रंग तोफीका तःगु कम हे दु ।
 पवित्रगु भाव सकमनं व्याप्त खने दु, न्ह्यागु संसारया वस्तुयात नं ईश्वर-
 या प्रतिमूर्ति खना अश्लीलताया गन्ध छत्ति मवेक पवित्र पुष्पया सुगन्ध
 ह्वला वयनातःगु दु । गनं गनं रसरज श्रृङ्गार ह्वलेगु प्रयास याथाय् नं
 अश्लीलतायात फगां फछि थ्व भावया पवित्रतां तोपुया वयोंगु दु । छह्य
 निर्दोषह्य कन्याया नग्नदेह चित्रण याथाय् 'लछिमी उति ताया, चन्द्रमा
 उति ताया, बहिलिस बोस्य तया तलेजू देवचातुं ताया' आदि धका
 देहया प्रत्येक अंगया विषये कल्पना दृष्टि मौन्दर्यया उपासना याना
 वयोंगु दु । थाय् थासे कृष्ण चरित्रया म्ये 'चित्त तये मफु जिनं झक झक
 लुमनिव, नयतिय न्ह्यल मदु, शरीर जि गन, अबलाया शरण कास्ये
 दिसे' धका पवित्र प्रेमया उदाहरण वयनेगु प्रयास याःगु खनेदु । हानं
 झीगु समाजे 'लसिकल' धका रसिक कला (*art of love-making*)
 या विशेष ध्यान दुगु जुयाच्वन । मिखां मखंह्य कामदेवयात नं लाःलाः

(घ)

धे सने मजीक छगू नियमया पालन अर्थात् मर्यादाका खिपोतं चीगु
 भावश्यकता क्यनातःगु दु । जनसाधारण नं नग्न श्रृङ्गार जक कया
 गभ्यताया नां स्यंकुगु खनेमदु ।

‘लनया दुने चीन ब्याल निगोलया छित विधे धका तयाया’ अले
 हानं ‘नये धुन लपते धे ल्यन पुवाचा धे तोते मते’ आदि वाक्य मिज-
 तयके विशेष स्वार्थ लोलुपता दुगु खनेदया मिसातयके उकिया विपरीत
 प्रशंसनीय सरलता बांलाक खनेदु । थाय् थासे मिसातयसं ‘लसिकल
 मसयानि छि चित्तबुझे जिन याय मफुनि’ धका रसिक जुइत नं कलाया
 प्रयोजन दु धका खूब बांबांलाक भाव व्यक्त याःगु खनेदु । हानं सिलु
 म्ये आदि स्वयेबले उच्चकोटिगु दाम्पत्य प्रेम व मिसाजाति करबलया
 विरोधे गुलित सच्चरित्रतायात नं सुरक्षित याना क्यो धैगु बांलाक सी
 दु । मेगु झी थुगु किसिमया गीतिसाहित्ये गीति छन्द जक मखु वाणिक
 व मात्रिक छन्द नं आपा दुगु जुया च्वन ।

थकथं गुण विषये आपाः धैच्वने ह्याल, सकस्यां न्ह्योने म्ये दया
 हे च्वने धुकल । गुण दोष सकसिनं खे हे खनी । सूद्यो क्यनेत पति
 धःस्वाका छाया मूर्ख जू ज्वीगु ?

आः धव सफू पिकःयत भाषाप्रेमी श्री मानदासजुं मुंका तया-
 दीगुलि आपालं आपा सहायता कयागु दु । ल्ह्यायाः तःगुली म्ये पति
 राग व ताल नं च्वयातःगु खः तर छपु हे म्येया राग ताल थी थी
 ल्ह्यायातःगुली पाना च्वन । गुगु ठीक खः निश्चय याय थाकुल, उकीसनं
 जिके राग तालया नामं संगु बःछि ग्यंक हे वो धैगु मदु । उकि म्येया
 द्वाःपाः मस्वसे कवितायागु द्वाःपाःजक स्वया जि प्रकाश यायगु घृष्टता
 याना । राग ताल स्यूपिं झी संगीतज्ञ ज्याथपिके न्यना स्वया च्वनेगु
 साहस मवयाः अथे तुं पिकयागु दु । मन्यसे पय्त्न वनका धका थुया

च्वंसां म्हाय् खना गोन्हु तंम्वेकयि धाःथें छन्हुला वयकःपिसं न्वाना
 क्वाना झीत नं राग ताल ह्वासीका क्यनेगु प्रयास यायि । उथाय् मेमेगु
 संस्करण पिकया माःमाःथाय् माःमाःगु राग ताल मदोंक च्वया क्यना
 झी लिपाया सन्तति दापा, खि, कोँचाखि, धाः, ताः आदि नाप पाचिक
 म्ये हाला ध्व च्व'पुगु'निसें हाकूगु क्वथ्यंक गुनुगुनु ध्वयेका दक्षिण व
 पश्चिमे नं संगीतया मधुर ध्वनि ध्यंके थ फयमा ।

श्री पञ्चमी

१०७२

विनीत—

ठाकुरलाल मानन्धर

निको खुसी

नेपाल-संगीत प्रेमी दाजु किजापिनि थःगु संगीत ह्यसीके यो थ्यागु चि स्वरूप थ्व 'पुलांगु म्ये' या द्वितीय संस्करण पिहाँ वया च्वन । हानं तातापाक च्वंपि संगीत विशेषज्ञपिसं नं थुकियात विशेष अभिरुचि थयंगु खने दत । उदाहरण स्वरूप लण्डन युनिभर्सिटि नापं डा. बाक थें जापि विशेषज्ञ छ्वया हयाः झीगु संगीतया रिकार्डिङ्ग तक नं याका यंकल, गुकी थ्व सफूयागु नं गोपुखे मे लाना वंगु दु । विदेशीतय्त जक छु झी नं थःगु संगीतया चमत्कार स्वयं यःसा झी दाजुकिजापिसं हालाः रिकार्डिङ्ग जूगु म्ये लण्डन युनिभर्सिटी सुरक्षित जुयाच्चंगु दु । माल थाःसा न्यना काय्फु स्वया काय्फु । उर्कि साहित्यया जक मखु म्येया खवाःपाः नं क्यनेगु आवश्यकता खनाः थुगु संस्करणे 'राग व ताल' नं समावेस जूवंगु दु । आशा दु थ्व संस्करणयात नं अथे हे थः नाला दी ।

१०७८ थिला थ्व १२

— ठाकुरलाल मानन्धर

पिकाः पाखें

न्हय्को खुसी

धात्यों चित्रकला व स्थापत्य तोताः मेगु छं खँय् झी नेपाः मां
सःमि जूसा ध्वहे पुलां म्ये खः, साहित्य पक्षे व संगीत पक्षे नं । उकिं हे
लण्डन युनिवर्सिटीया डा. बाक झायाः झीगु पुलांगु म्येया स्वर पक्षया
रिकाडिङ्ग यामाः यंकादिल, अध्य हे जर्मनीया प्रो. लीनहार्ड झायाः
झीगु पुलांगु म्येया अंग्रेजी अनुवाद याताः यंकादिल । आः वहे सफू
थथे न्हय्को खुसी पिकाय् दुगु झीसं नं व पुलांगु म्येया महत्व लोमम-
कुनिगुया प्रमाण खः ।

ने. सं. ११११ सिपुन्ही

- पिकाक

धलः पौ

पु	म्ये	पौ	पु	म्ये	पौ
१. जय नमो श्री बुद्ध		१	२१. हे कृष्ण छिन जित वाइ		२१
२. याहुने लोकजन		२	२२. हे मन राजा साह्ला		२२
३. भगवान याहुने उधार		३	२३. सिंहया धुँसँ ज्वना		२३
४. लोकनाथ याहुने		४	२४. महारानी बिज्यालक्ष्मी		२४
५. हे नारायणजु		५	२५. बारंवार खोयाव जि		२७
६. सुदामाया लिक नारायण		७	२६. निनिमाजु पुसामि बालक		२८
७. रक्षा याइहा श्री गुह्यकाली		८	२७. निरबुद्धि मिसा जाति		२९
८. वमरिहा फुतकाव		९	२८. मुलित फसाद बिय		३०
९. कच्छपाल परवत		१०	२९. काव राजा श्री भीमसेन		३१
१०. यशोधरा मते दुख ताय		११	३०. गोपी मुडाव बन वडाव		३३
११. सखि प्रभुजुन गन जि		१२	३१. थर्थिजागु रस रंग		३४
१२. नुयो रानी ईश्वरीया		१३	३२. श्री गगास स्नान याना		३५
१३. हे हे प्राण छु याय		१४	३३. गोपाल धनी पनेमते		३९
१४. हाय हाय बालक		१५	३४. माजु सिया मेव मसिया		४०
१५. करमस च्वसे हलगु		१६	३५. प्याखन हुया थे न्यासिवने		४१
१६. हे सुन्दर मुखक्षण संयुक्त		१७	३६. लसिकल न्यासि मिखा मइ		४३
१७. अधिर ध्व शरीर		१७	३७. पिरतिया पुरुषन वाना		४४
१८. जय भूपतीन्द्र मत्ल		१९	३८. छि व जि व जुल धका		४५
१९. हाय हाय राम राम गथं		१९	३९. हरि हरि जि मत्यना प्रभु		४७
२०. स्वव स्वव कृष्णजुया		२०	४०. नमोलोपा लोकजन		४८

पु	स्ये	पौ
४१.	च्यान्हु च्यान्हु सिवा याना	५०
४२.	हाय हाय प्रभु स्वामि	५४
४३.	इन्द्रजात्रा स्वल वडेते	५९
४४.	मयना ति ताया लछिमी	६०
४५.	कर्निर्ममि मिसा वयि	६२
४६.	नसा तोसा दतले	६४
४७.	गनपति देव मज्जलपे स्त्रव	६५
४८.	विज्याक श्री मञ्जुदेव	६६

पु	स्ये	पौ
४९.	लोकनाथ बिब जित ज्ञान	६७
५०.	मायादेवीया काय अतिन	६८
५१.	सुन्दर विभूति बुसा गौरी	६८
५२.	आशा जि लोकेश्वर	६९
५३.	कालिका नागबालिका	७०
५४.	नसंचासं नामकाय	७१
५५.	आदिबुद्ध नाम कास्य	७२
५६.	आरती श्रीघन	७३



पुलांगु म्ये

(प्राचीन गीतिसंग्रह)

(१) राग कल्याण । ताल जति ।

गुरुजु जय नमो श्री बद्ध भगवान्
लुम्बिनी वनस बिज्याक ॥ १ ॥

ब्रह्मान ब्रंपुयका, सरस्वतीन वसा लायका,
अलकापुरया जुजु कुबेरन धनद्रव्य लायका बिज्याक ॥ १ ॥

वायुदेवन ध्वजा बोयका अग्निदेवन धूप थनका,
वरुण नाम नागराजान जलधारा हायका बिज्याक ॥ २ ॥

महादेवन डमरु थायका, नारायणन शंख पुयका,
जन्म राजान दण्ड जोनकाव लंछिनकाव बिज्याक ॥ ३ ॥

इन्द्रन छत्रन कुयका, भिक्षु गणन च्वामोलं गायका,
आकाशन स्वान वा गातकाव आनन्द रसन बिज्याक ॥ ४ ॥

नैऋत्य ज्ञानाकर दक्ख लोक सहितन,
शेष नागया ह्यस बिज्यानाव पूजा फयाव बिज्याक ॥ ५ ॥

वन गज रत्न साल श्री सुरेन्द्र महाराज,
ल्लाकहा अनाथ जन, गुरुयाके शरण ॥ ६ ॥

(२) राग व्यांचलि । ताल चो ।

याहुने लोकजन त्रिरत्नया चरणस
सिवा म्गति तयाव रे ॥६॥

नदिव उति जुसे नरता आयु बल
थिर मच्चसेतु न्हाक रे ।

नरया जनमस धर्म मभालपु,
लिपतस नरकस लायु रे ॥१॥

मोहया बश जुसे मायान तोक पुसे
मखन घरम मिखान रे ।

मभालपु परलोक, मयाक परहित,
वइ व मरणया काल रे । ॥२॥

बालख खेललपु बाभास मभालपु
ज्याथस अलसि दुबिक रे ।

बायाव वने मानि मवव थव लिसे
पिरति जन धन संपति ॥३॥

गिरिवर गोपुच्छस बिज्याक धर्मधातु
ज्योतिरूप स्वयंभू ।

वसपोलया सिबा यातसा मोम्बालि दुर्गति
यनिव सुखावति लोक रे ॥४॥

स्वरग नरकस वनेगु थुगु लोक
 याहुने लोकन सियाव रे ।
 स्वहुने परलोक याहुने इहलोक
 स्वहुने लोकन सियाव रे ॥५॥

लातले मभालपु मलाइ वइसन
 क्षनमात्रन फुइ रे ।
 लानान लायमज्यू मनुष्य ध्व जनम
 याहुने लोकन सियाव रे ॥६॥

अथागु थने मदु, अतले चोने मदु,
 यनिव जन्म दुवाल रे ।
 जन्मया दूतयात पने मफु माम बबुं
 पने मफु जन धन संपत्ति ॥७॥



(३) राग मालुवा ॥प्र॥

भगवान याहुने उधार ॥घु॥
 लंखन समुदर पलेलान जलथल ॥
 रत्नया पले छफोल २ मनिमये अय घाल ॥१॥

हेल जुकोया हल पद्मरागया केशल ॥
 मुनि विद्वलया २ माल च्वन थन ईश्वर ॥२॥
 मञ्जुश्री बिज्याक जल छोन व तुं जुल ॥
 भुमि जुल नेपाल २ दिमदिगन वल लोक ॥३॥
 गौर देशन वया घाल प्रचन्द्रदेव राजा जुल ॥
 मञ्जुश्री गुरु नाल २ क्षान्तिकर नाम जुल ॥४॥
 भगवान तोकपुस्य पंचपुरि दयकल ॥
 घाल चैत्य बहाल २ स्वकहाया फाप मोचन ॥५॥
 भगवान नमस्कार ह्लाक जयपरकास ॥
 नेपाल मंदल २ स्वय अन अति सुन्दर ॥६॥



(४) राग तिलकामोद । ताल चो ।

लोकनाथ, याहुने उद्धार ननानं ॥धू॥
 अरुणया उन जुसे अमिताभ शिरे तसे,
 अभय वरदान बिसे,
 अनाथया नाथ जुसे अमोघपाश ज्वसे
 आशान वया जि अनाथ ॥१॥

कनक मतुकस कनक केतकि स्वान
 कर्णस कनक-कुंडल
 करुणामयन करुणानिधान
 करुणान स्वय जित माल ॥२॥

मणिमय तिलहल, मत उन तेज थिक,
 मणिमय हाल तियाव
 मच्छिन्दरनाथ मनया स्वरूप
 मनोरथ पुरे याय माल ॥३॥

सुन्दर सुलक्षण संजुक्त शोभायमान
 सुखावति भुवनया नाथ
 स्वव प्रभु व बेलस सुदृष्टि तयाव
 सुखावती ब्वना यने माल ॥४॥

रसन हरषन ललितापुरिस
 रथस दनाव बिज्याक
 रस गज रत्न सालया धनी
 सुरेन्द्र विक्रम शाह ॥५॥



(५) राग धनाश्री । ताल जति ।

हे नारायणजु

गुँयासिस रसन बिज्याक ॥धृ॥

न्हिन्हिछिया स्वता उन

अतिन सुन्दर ख्वाल,

जवन चकर जोसे

खवन शंख पुसे ॥१॥

शिलस नागया मणि

न्हसस नागया पाश,

गलस कोखासे तथा

तुलसीया माल प्रभुजु ॥२॥

ह्लाकह्याया विनतिस

दया दय माल प्रभुजु,

दना वया दरशन

बिव जित नारायणजु ॥३॥

नेपालया छत्रपति

श्री जय भास्कर मल्ल

चउखण्ड राज्य लाय

फयकाव्यु नारायणजु ॥४॥

(६) राग आशावारी । ताल चो ।

सुदामाया लिक नारायण थिर गन संसार याह्वा

छह्याया मूलस घसपुना तल तिरि

छह्याया दुलिस भरोसा

छह्या वफलाया स्वातलन असहल

छह्याया जलकसि लासा

छह्याया जास घ्येलन असहल

छह्याया बापा नसा

छह्या वफलाया म्हुतु नाप खने थाकु.

छह्याया एकादशी आशा

छह्याया खातास अजुगति लासा

छह्याया माला स्वकं लासा

छह्या वफलाया धिगेसन असहल

छह्याया भुतुलिस बास

छह्याया लसिकल प्राण उति तल तिरि

छह्याया दथुजिन तल

छह्याया भालत देव उति तल

छह्याया ल्वातु ल्बाना बाल

लोकनाथया बालखन श्री निवास मल्लं चिन
 कलि ~~क्षेप~~ ^{रु}रपु ध्व दिन
 चरणस सिवालपे दिव्य ध्यान
 ध्व देह मसिवन सिल ।



(७) राग भजन ।

रक्षा याइह्य श्री गुह्यकाली
 सेवक याय मते कंकाली
 कंकालीन कचमच यातसा
 हाकनं हाले माली ॥१॥

भूतया सं जा कुलि कुलि
 आपा आपा नयफु गुलि गुलि,
 तिजक तिन्हुया प्याखन हुइह्य
 कवं कंकली ॥२॥

जोगिनि बेताल गुलि गुलि,
 नागया तिसा उलि उलि,
 दुष्ट बुद्धि दैत्ययात
 खड्गन प्यंदक पाली ॥३॥

संग्राम स्यात्त गुलि गुलि,
 बाकि दक्क बिसे वन सुलिसुलि,
 खड्ग जोना दिगिदिशि खाना
 दैत्य स्याइहा काली ॥४॥

कालीं कृपा तय मालि
 मतलसा चंदोदास हालि
 कर जोरि विनति शरण जि वया
 छिगु तुति पाली ॥५॥



(८) रस विजय । ताल चो ।

वयरिह्य फुलकाव भीमसेन रसन बिज्याक ॥६॥
 चल चवन वह्य दिक्, पूजा फय लिमलाक,
 गुंगुलि धूपाय कुंन दक्क भु नस्वाक ॥१॥
 अनेक बाजन थाका न्यना चवने व मछुक,
 वान्ह्याष कटटट रणस दुब्बाक ॥२॥
 हेगुलि मिखा कसे, तमन पुलि च्वासे,
 आतापति पिकयाव दुशासन स्याक ॥३॥

व ति महु बललाक हि तोनाव अति माक,
त्वाकथास फचिन मि च्याक ॥४॥

घुं किसि कलं कासे, सिंहम याकुं प्यासे
सल चता वासे सन अन सु मग्याक ॥५॥

मोक्ष जि स्वहान लाक फयाथ्य विनय याक,
छि पालि निपाया कोस बिब जित वास ॥६॥



(६) राग ताल लं ।

कच्छपाल परवत चोस वसलपा दिल वस,
अमिताभ शिरे तसे ध्यान ॥१॥

अरुणया वर्ण वस हीरामोती माला ह्यस,
जाज्वल्यमान वस थिक ॥२॥

लोकसेनं फोन वल प्रयागुली बिल छिन,
जित छता प्रसन्न जुयेमाल ॥३॥

स्वव स्वव जि पापिया ह्वाल चान्हं नेखु हालये हाल,
आनन्दादि लोकेश्वर देव ॥४॥

शरीरस ख्व व्याधिनं पीरलपा चोमहस,

मृत्यु काल तरेयाना बिब ॥५॥

अने अने बैद्य क्यना नाना उपकार याना,

मण्यलयो जित उपकार ॥६॥

चान्हं न्हिनं सुमलपा वस थाके भक्ति याना,

जि खनाब दया तयेमाल ॥७॥

थुगु दुःख फुतकोह्य छलपोल छह्यजक खना,

अगसान वया छि भरुसान ॥८॥

अगिनया अवतार नृपति श्री जयवीर,

श्री जय प्रकाश मल्ल ॥९॥

ह्लाकह्यया देह दतले निहसया प्राण चेतले,

स्वयतेल करुणा सुदृष्टिन ॥१०॥



(१०) राग स्वरथ । ताल प्रताल ।

पशोधरा मते दुखताय

विपतिस घोरज सहाय ॥१॥

सिय, बुय, ज्याथ जुय,

रोग हरण याय,

भालपाव घना ज्ञान लाय ॥२॥

मार गण दको ख्याय,
अहंकार छह्य स्याय,
संसारया दुःख नाश याय, ॥२॥

अवसरस जि वय
कायपनि भिक्षु याय
धर्मया कथा अन ल्हाय ॥३॥

पापया लंपु तिय
धर्मया लंस छोय
मोक्षपुरस आनन्द याय ॥४॥

नेपालया वर्ष सिय
मिखा-बला-प्वाल-घाय
ह्लाकह्यया दोन क्षमा याय ॥५॥



(११) राग स्वरथ । ताल प्रताल ।

सखि, प्रभृजुन गन जि लुमनि ॥घु॥
शाक्य कुलया मणि
त्रिभुवनया घनी,
संसारस मदु व ति ज्ञानी ॥१॥

सुन्दर रूप खनि,
 स्वस्व किकि मन वनि,
 अपसरा गण नाप चोनि ॥२॥
 वसया जुया जि रानी
 दुःखी जि गर्भिनी
 जि पापीया गन प्राण लेनि ॥३॥
 ल्लाकह्य जि अज्ञानीन
 सल किसि रंग मुना
 वरखास थूगुलि खं कना ॥४॥



(१२) राग स्वरथ । ताल प्रताल ।

नुयो रानी ईश्वरिया जप तप याय ॥६॥
 थव पुत्र राज कुमार पुत्रि कृष्णाजिनी
 महारानी सहितन तपोवन वने नुयो रानी आव ॥१॥
 दक्क लोक विरहन ख्वायव लिसे वल
 दउलत द्रव्य बिया लोक बुभे याय स्वव रानी आव ॥२॥
 रथस जोजलपा तया सल दान याय धुन
 मृगवनया मृग वया रथ न्हातकल स्वव रानी आव ॥३॥
 रथ दान याये धुन थव पुत्र लुकुं छिसे
 काव रानी राजकुमारी पर्णशाला ध्यन स्वव रानी आव ॥४॥

स्वान फल वनया शोभा स्वव रानी कोकिल हाल
जय नमो बृद्धयागु जप ध्यान याय स्वव रानी आव ॥५॥



(१३) राग बिहंगदा । ताल प्रताल ।

हे हे प्राण छु याय करमया फल ॥६॥
शत्रुया निर्दयान लिनाव हल थनि,
दहनस शरण जि वने ॥१॥
घन्य घन्य जि भाग्यन नागलोकस जि थ्यन,
नागराजा दर्शन याय ॥२॥
चंपक नाम नाग राजान सलताव
मलसान बोध बिया तल ॥३॥
दहनया चोस चोना लाय बुया त्रास बिल
नागराजा ग्यानाव चोन ॥४॥
नागराजाया दयान नसंचाया पहलस
दहनन थत छोया हल ॥५॥
ह्लाकह्य अज्ञानोजन भगवानया चरनस
जुगजुग जुल जि शरण ॥६॥

(१४) राग विभास । ताल लंता ।

हायहाय बालक गन वना स्वल वने आव ॥६॥

बंको वनस स्वान फल खानाव च्वना थास

भंगःपंछी ख्वसे ख्वसे हाल,

नुगल मछिसे वल २.

बालक मचात नि स्वल वने ॥१॥

सलकिसि बियाव खेललपा तया बालक

हरन जुल यो थनि आव

लख जासे वल घलस २

मलेन यो ध्व बालक मचात ॥२॥

म्हगया दिनस राजकुमार, पुत्री कृष्णाजिनी मैया

आनन्दन खेललपा तया,

थनि गथे जुल जितः २

करमस च्वसे हलगु मसिया ॥३॥

प्रभु स्वामि प्राणनाथ बालक मचात

थन वलगु मखनाला छिन,

तय गथे ध्व परान २

मलेन यो ध्व परान थनि ॥४॥

बबाजुया वचनस बालक मचात

धर्मया कथा न्यसे वन,

ह्लाकह्य अनाथ जन २

याहुने उद्धार ननान

॥५॥



(१५) राग मालुवा । ताल लंता ।

करमंस च्वसे हलगु बिहलपे माल थनि

जोगी जुसे देशान्तर वने ॥६॥

किजा द्रुमकुशयात

राज्य अभिषेक बिये

मामयाके बेला पवना

सुदर्शना माल वने

विरहन विदेशस वने ॥१॥

विभुतिन हास बुसे

गेरु वसतन तिसे

जोगी रूप कयाव जि

भ्रमर थें थनि वने

विरहन विदेशस वने ॥२॥

ल्लाकहा अनाथ जन
 भगवानया शरणस
 थव मचा भालपाव
 यबँ सुखावती ध्यानक
 विरहन विदेशस बने ॥३॥

(१६) राग कैदार । ताल जति ।

हे सुन्दर सुलक्षण संयुक्त शिरस चूडामणि दुहा ॥
 कविरकुमार व्यरथन फुत लोकनाथ सुन्दर राजकुमार ॥१॥
 हे गुगु थास जन्म जुल राज पुत्र गुगु थास फुत ॥
 हे सपनास मखनार्थे व्यरथन फुत लोकनाथ ० ॥२॥
 हे विद्याधरो देवी ईश्वरीन आज्ञा जुल अष्टमिव्रत नि याय ॥
 हे ल्लाकहाया विनतिनं लोक रक्षा याव लोकनाथ ० ॥३॥

(१७) राग कोला । ताल प्रता ।

अथिर श्व शरीर छाया निदानस
 याय परउपकार ॥धु॥
 अति हरषन दनाव रसन
 थव हित थमन बोनाव,
 वने उभानस ह्मिताव चोने रस
 अनेक स्वान स्वयाव ॥१॥

अति तव वीर जुसे चोन बल हीन
 शरीर अतिन गनाव,
 बालख गर्भन पिकया वेदना
 प्राण मलेनिथे चोन ॥२॥

खनाव अन अति करुणा उत्पत्ति
 जुयाव मन हिलाव
 छव्याव हसे लित दको थव हित
 वनाव थम याकतन ॥३॥

दको शरीरया तोयाव तिलहिल
 खायाव सिमाया च्वकास,
 वनाव वयाथास कियाव गलस
 भोग बिल थव मांस ॥४॥

जनम जनम याकगु घरमन
 जुलयो सुगत नाम,
 ह्माकहाया थुलि फुतकि पाप गुलि
 बिहुने शरण छि पालि ॥५॥



(१८) राग

जय भूपतोन्द्र मल्ल घरम मूरती ॥बु॥
वसन देगोल दाङ देवी प्रीतिन ॥
नसे च्याया दथुसं नसे ताडाव ॥
दितरा थोकया पादु जुवादिन जाव घरम मूरती ॥
कथु फले जय प्रताप वया चोसं किसि ॥
सिंह शार्दूल अना अति शोभा जुल घरम मूरती ॥
देगोलया पेंगु कुने दिगं गणेश तल ॥
ताकं ताक फले अना अति शोभा जुल घरम मूरती ॥
डात पोलया चोस छाज़ लुं गजूल ॥
वसन जज्ञयात कोटि आहुति ॥
विल पुरोहितयात मूल लुं मुकुति घरम मूरती ॥



(१९) राग

हाय हाय राम राम गथे मलुमने नेपाल
सत्तुरि दुर्जनं फुतकल आव ॥घु॥
भिनिदो राज्यस मदुतल जित वास
विदेशया वश जुल थनि आव ॥१॥

न्हेथुगुया पापन केन मनेनागु स्वय धुक्त
 पंजलस चोडम भत्तु थे जि इन ॥२॥
 ह्माय जिन गुह्याके दुख्या विधान
 थुगु पास फंनकिक सुनान ॥३॥
 पिरति याना चोना दुरजनयाके छल
 हाय हाय छु नुगल आव ॥४॥
 नवदुर्गा गणेशके सहस्र विनक्ति यासे
 लखलपि अपराध क्षमा याव ॥५॥
 सूर्य वंशी कुलमणि श्री रणजित मल्ल
 तलेजुन विल वैकुण्ठ वास ॥६॥



(२०) राग टप्पा । ताल लता ।

स्वव स्वव कृष्णजुया चाला
 सरमन स्वय जि मछाला ॥७॥
 लोक कतकनखन छु घाइव मन मन
 छाया छिन लाहा जिगु साला,
 यायमते कलबल तोलताव बिब छल
 सहाय मफु जिन आला
 गुलि रस यानान मचाला ? ॥८॥

जमुनाया तीरस दको सखि स्वया चोन

भति छिन लज्या चाय म्वाला

अबलाया तन मन विनति नेहुने काह्ल

गुलि जित याय छिन हाला

बिव छिगु रतनया माला ॥२॥



(२१) राग खभाज । ताल चो ।

हे कृष्ण छिन जित वाइ मताया रे ॥धु॥

वासुरिया शबदन

चित तय मफु जिन

भक भक छि लुमनि

नय तिय न्हेल मदु शरीर जि गन ॥१॥

चान्हं न्हिनं छिके मन

उइनी थें नेन धन,

गथे याना तय मम

जिगु मन धन दको छित बिय धुन ॥२॥

मेव मदु छि समान
 बिनति खं नेसेदिसं
 बिय मते थुगु दुख
 करुणान अबलाया शरण जि कासेदिसं ॥३॥



(२२) राग निर्गुण । ताल चो ।

हे मनराजा

साह्ला शरीरया घनि जुया चोन ॥घृ॥
 भिह्य मचा दसे चोन खूं व समान,
 आशा निराशा निह्य रानी जुया चोन,
 मचा मिसाया ख्वाल स्वया अहंकार यायमते
 राज्य नाश जुइ ॥१॥

गुंगू लुखा दसे चोन शत्रुया लंपु जुया,
 सुबुद्धि कुबुद्धि निह्य मंत्री जुया चोन,
 कुबुद्धिया खं न्यना अहंकार याय मते
 अनित्य शरीर ॥२॥

डाह्य काजि बल कया थितिनीति यानाचोन,
 चन्द्र सूर्य निह्य साछि जुया चोन,
 घरम पाप जक रणया खजाना

यने मदु मेव ॥३॥

चा व ह्नि व निह्य दूत जन्मराजां तोता तल
 अहंकार राजानाप त्वाय मन याना,
 लुखा दको बद याना सहरस द्वाहां वया
 राज्य नाश याइ ॥४॥

मचा मिसा काजि मंत्रि थव थास बिसे वनि,
 थमं यानागु ज्याया फल पावे जुइ,
 वैरीया राज्य जुइ चिना कुना तइ
 फेनिव सुनान ? ॥५॥

ह्लाकह्या भावन थव मन राजा नाप
 भिन मभिन निगू नाप नाप वइ,
 सुबुद्धिया खं न्यना भिन ज्याखं याव
 यने मदु मेव ॥६॥



(२३) राग कोला । ताल चो ।

सिहया धुंसं ज्वना ब्यानया ख्याल ॥धु॥
 पुखुलिस मि दन डा सिय घाल रे
 डा बोसे वड घाल न्यने मदु^१साल ॥१॥

अजुगुति जुल थनि संसारया साल रे
कोखनं बोयकल किसि निहा हाल ॥२॥

फेयका घका हल सपानि मुनाव रे
व लोकन लिसायाव नाना उपकार ॥३॥

मुमेरुया त्वाफलस गुंखिचाया बास रे
चलान हुयकल खिचा निहा हाल ॥४॥

हेराया सिमा कोस तयाव वहा तल रे
थव रूप थमं स्वसे जुल कंपमान ॥५॥

पार्थिवेन्द्र मल्लन ह्लाक्व खँया साल रे
चोलसन याय घाल किसिया भालान ॥६॥



(२४) राग । ताल लंता ।

महारानो बिज्यालक्ष्मी विदेशन थेनके हल,
हेलंगुया परवत चोसं बास रे ॥७॥

थ स्वयां परवत को स्वयां समुदर
समुदर हुनुनुनु हाल रे ॥८॥

लख तोने तुंवाचास, आलं याय तपरिस,
श्री स्वामिया खवर नेना वना रे ॥२॥

प्रजाया दया दत्त चौघरा दयका बिल
महारानी आनन्दन चोन रे ॥३॥

दुख सुख तनका चोना श्री स्वामिया खवर नेना
सति विज्याय माल घका घाल रे ॥४॥

हेलुंगुया परजा भाजु जि सति वनेमाल
परजाया मिखास खोबि तल रे ॥५॥

अननिसें सति बिज्यात वज्रयोगिनी थेनकेहल
अन लुंया छलिकथि छाया बिल रे ॥६॥

सक्वदेस्या पंच परमवीरसि दुवाऱ्या सहित
अन माईयात वाजन सयका विज्यात रे ॥७॥

सक्वदेस्या पंच परमान हरिवीरसि प्रधानया छेस
अन छेस मेजमां सँके हल रे ॥८॥

अननिसें लिहाँ विज्यात श्री चंगुनारां ध्यनकल विज्यात
अन दायना शंख छाया बिल रे ॥९॥

अन निसें लिहाँ विज्यात श्री गुह्येश्वरी ध्यनके हल
अन लुंया छत्र छाया बिल रे ॥१०॥

अन निसें लिहाँ विज्यात श्री पशूपति ध्यनके हल
अन लुंया च्वामोल छाया बिल रे ॥११॥

अन्नं निसें लिहाँ बिज्यात श्रीस्वामिया दरसन यात
 अन्न स्वचाक उला पालि भोकपुल रे ॥१२॥
 अन्नं निसें लिहाँ बिज्यात जयवागीश्वरी ध्यानकल बिज्यात
 अन्न लुभोतया तायो छाया दिल रे ॥१३॥
 अन्नं निसें लिहाँ बिज्यात ध्वाका पति चपरासि तयाबिल
 यँदेशे वने महु घाल रे ॥१४॥
 अन्नं निसें लिहाँ बिज्यात न्हवँ घाट ध्यानकल बिज्यात
 अन्न महारानीं नुगल दाया खोल रे ॥१५॥
 यँ देस्या काजि भारदार जि कायया दरसन मबिउ
 उजि महु धका होकुम जुल रे ॥१६॥
 वायो जुजु वायो पुता गिरिवानजुद्धविक्रम शाहा
 जिगु मुले खचि फेकतुके रे ॥१७॥
 वायो पुता मैजु लानियकुं मुले भति चोन वायो
 छन्न बवाया कारनसं वने रे ॥१८॥
 महारानी बिज्यालक्ष्मी मामयागु ख्वाल स्वया
 अन्न साहेबजुजु मिखास खोबि तल रे ॥१९॥
 हाय जुजु हाय पुता परजायात दुख बिय मते
 छन्न राज्य थिर याय फय माल रे ॥२०॥
 महारानी बिज्यालक्ष्मी सिंपस थाहाँ बिज्यात
 महारानीं रामनाम काल रे ॥२१॥

काजि घाय भीमसेन थापा मन्त्री घाय भीमसेन थापा
 अकालन छता सिय माल रे ॥२२॥
 महारानी स्वर्गवास जुल अन चोको दुनिया दक्को
 मिखास खोबि तथा खोल रे ॥२३॥



(२५) राग बिंभास । ताल खंजति ।

वारं वार खोयात्र जि गथे चोने प्रभु ॥घृ॥
 नक्वस छि व होना नय तिय मभालपा
 नय तिय छाया प्रभु संदेश भाल प्रभु ॥१॥
 मोहलपा वा पुरुष पिरतिन होने महु
 मसियाह्य लाना प्रभु परदेश भाल प्रभु ॥२॥
 वाय गथे सनेहन तोलते मफया जिन
 बाचा न्हेल महु थनि खोया जि च्वना प्रभु ॥३॥
 गित यो जि ध्व शरीर गिन वना हने जिन
 गिन छोय थुगु दुख उपकार महु प्रभु ॥४॥
 स्वय दयु ग्वबेलस प्रभुजुया ख्वाल जिन
 स्वयमाल थुगु दुःख जोलिजोलयाह्य प्रभु ॥५॥
 लात यो जि प्रभुन चुल्या तायो लोभ केना
 लखबुख पति केना आशान जि च्वने प्रभु ॥६॥

यस दुह्य विनं काना थ्व कामदेव पवाना बिल
याय छु उपाय थनि अनाथ सियाव प्रभु ॥७॥



(२६) राग पुवाड्या । ताल प्रता ।

निनिमाजु पुसामि बालक जित छाया ॥८॥

माम ववां बिव थास भालत च व जुल,
थ्व बालक पिया चोनां जि तरे जुइ मखु,
थम सोड मिन नि वडे ॥९॥

यमं स्वसे वना थास भालत देवाय मजु
जि याक कोथास थ्यना
थव पिने देवाय जुल ॥१०॥

तवधनं ह्लाक मदु त्वसननं ह्लाया मछाः
ब्यरथन फुइन यौवन
गथे याय माल ॥११॥

ब्यले याय घुनकाव लाछि फले ज्याचों वना
मभालपा चोनावले बेतालि चिनावल
वह्य छतु वने मन जुल ॥१२॥

छता तय मगथ्याचा निता तया त्वाकस्वान
ह्याउक दुलि थना छोव ॥१३॥

गुकु हाक थाज्या थाना स्वखिपल का तुक
 थुगु खरि मिल वना ध्यबा गुगः बियाहल
 थुगु खंला सुया सुकेनि ह्लाय ॥६॥

सुवर्णया लुंया हिति लख काल वनाबेले
 बोसे वनह्य भंगलन नमतू ॥७॥

तव गात लखं दायु धका सिमा कोस वास चोना
 ध्व सिमान छाया धका मताया ॥८॥



(२७) राग वसन्त । ताल चो ।

निरबुद्धि मिसा जाति हाय ॥९॥

नक्व नाप लानाबेले अतिन सुन्दर
 मोह याये रे वाहा रे वाहा
 धकाव जिन मुसुहुन ह्लिलाव रे ॥१॥

वाय मन तल छिन वायान छु वान
 गिन वने रे वाहा रे वाहा
 गिन वने गिन चोने चोने थास मदु रे ॥२॥

स्वव प्रभु स्वपुरुष स्वयान छु वान
 लातलेन रे वाहा रे वाहा
 लातले भालपे मफु वाना नं लिमलाक रे ॥३॥

पुलांगु म्ये ॥२९॥

यया यथे तल छिन मनयात अपयश छाय
 नरपति रे वाहा रे वाहा
 नरपति प्रतःपमत्तया सुबचन रे

॥४॥



(२८) राग बा-हमासी । ताल लंता ।

गुलित फसात बिय तेना कृष्ण
 दरशन बिब जित करुणा तयाव

॥धृ॥

चैत्रस अजूस्वां होया चोन वनस
 वैशाख चुवास्वान, गुलाफ वच्स्वां
 जासे वल सिमाया वसन्तया यौवन
 गथे सह याय प्रभु छि विनान रे

॥१॥

जेष्ठस चमेली, चस्वान, जिलस्वां
 आषाढ सिनाज्या होयाचोन चंपास्वां
 गृष्मया तापन सहलपे मफया
 याना बिब प्रभु छिन शीतल ननान रे

॥२॥

श्रावणमास सुकुंदरराज,
 भाद्रव पलेस्वान, उफोल, चवोस्वां
 वर्षाया ऋतुस न्हावल समुद्र
 मिखास खोबि हाल छिगु विरहन रे

॥३॥

आश्विन तुलसी, लवजिफोस्वान,
 कार्तिक ग्यानथकुं, गोदावरीस्वान,
 शरद ऋतुस चन्द्रमाया तेजन
 उइनी थें नेन प्रभु छिगु विरहन रे ॥४॥

मसिर केवल होया चोन द्वाफोलस्वां
 पौषस बखुमद, सिल्लास मधूस्वां
 हेमन्त ऋतुस चिकु सहयांय मफु
 सहयाना चोना प्रभु छिगु आशान रे ॥५॥

माघस मीकूस्वां, फार्गुण तकुस्वां,
 शिशिरया सिमाहः फसं हायका बिल रे,
 रंग हितेमन छिके जुल प्रभु
 पूरण याना बिब जि मनया आशा रे ॥६॥



(२६) राग वसन्त । ताल प्रता ।

काव राजा श्री भीमसेन विव वरदान :॥धु॥
 करमस दैवन चोसे हल ध्व वेदन
 खनाव जि मनस अभिमान,
 गयिनहा विघातान घलकल उवालन
 डनयो जि उइनी समान ॥१॥

पुलांगु म्ये [३१]

चलासन ग्याव मन दुःखया खं लुमनिव
छन्दु ह्लापा तोलते ध्व प्राण,
जनम छु प्रयोजन भकरा मायान केन
अने मफुत जश गुण

॥२॥

तय दोष सुयात नि ह्लाया गोह्यसयात
थव करमस मभिनाव,
दइवया निर्दयान धन खने मदयान
नरकस जन्म जुल आव

॥३॥

तप जप याय मन तप लातकेत
थवथे थमन भालपान
दयके तु भालपाव धनसतु तथा मन
नयाथे मनेन ध्व धंदान

॥४॥

परतर स्वसे जिन परलोक वनेयात
फयाथे जतन नि याना
वनिजाल जनमस भमलपा जुया मन
मदु जित जश गुण

॥५॥

यथे याना जतनन मकव गथे हन
लँस बुव घाँस थे जि न्यन,
लँस हितु हिव मन वयाय हे मसिया जिन
शरीर जि ह्लिह्लिछिया हीन

॥६॥

खचि म्वाय जनमस अनेक चिन्तलपा
 सपना खना थे जौभन,
 हतया छु प्रयोजन क्षमा भाव तिव मन
 थव संसार असार सियाव ॥७॥

जगत ससारन सुमलपा भीमसेन
 थव जुगस मदु छि बिनान
 ल्लाकह्यया तन मन निशि दिन छि चरण
 तेल कृपा गरीब खनाव ॥८॥



(३०) राग वसन्त । तयल प्रता ।

गोपी मुडाव बन वडाव
 कान्हु ब नाप फागु ह्यिताव ॥९॥

रसिक सार ल्लाय अपाल
 अति लबाल बाल गोपाल,
 कोकिल हाल कामया जाल
 सरस समझ वसन्त काल ॥१॥

स्वान होयाव चोन खडाव
 रसया भाव जुल जि आब
 थिथि जोडाव चुवो तयाव
 अवीर अतर चवेत्ती होलाव ॥२॥

अति नस्वाक स्वानया त्वाक
 गलेस लाक भति ताहाक
 सिरस लाक लाहाति स्वाक
 छूहासिया अतर दथुस लाक ॥३॥

वस पुयाव तप थाडाव
 मुनिथा ज्ञान मोहलपान
 वसया ध्यान ल्हाय कृपान
 सुनन्य मदते वह्य विनान ॥४॥



(३१) राग घातु । ताल प्रता ।

यथिजागु रसरंग तोलताव हरि जि गन वने ॥धु॥

मचा बेलस रस जिन मसियाव
 चान्हंन्हिनं हितल जि जुया ॥१॥

वइस जि जासे वल सह याय मफया
 पासा छह्य मदयाव दुःख ॥२॥

माम बुबां वियु घका हर्षन चोना जिन
 माम बूबां विचाल मयाक ॥३॥

करमस चोसे हल जोगिनी जुय माल
 गने मते माम बुबान जित ॥४॥

धुनसया जन्मस घर्मे जि याना महु	
पापिनीन थुलि दुख सियमाल	॥५॥
चाया चच्छि ह्लिया ह्लिच्छि सपनास केनेहल	
चाया चच्छि खोयाव चोना जि	॥६॥
नययात मगा मखु तिययात मगा मखु	
रस छता मदयाव दुःख	॥७॥
गन वने गन चोने वने थास महु प्रभु	
पुरुषया रस छता महु	॥८॥
नेपालया छत्रपति पृथ्वीवीर विक्रम शाह	
प्रजयात प्रतिपाल याव	॥९॥



(३२) राग सिन्हाज्या । ताल ? (१६ मात्रा)

श्री गंगास स्नान याना बेलस खन ह्तां	॥१॥
छेँस जि लिहां वया गन्धर्व सुमरण याना	
सुलोचना लाये कामनान ह्तां,	
गंगासागर तरे याना वसया देश वना	
मालिनीया छेँस बास लात ह्तां	॥१॥

अयले मालिनी आमाजु, ह्लिह्लिछिया स्वान हनागु
आमस्वान सुयात हना ह्नां ?

अयले भाजु हाय थुगुलि स्वान हनागु
सुलोचना रानीयात हना ह्नां ॥२॥

अयले मालिनी आमाजु जिमिसेन हने जिवला ?
छत्वाक नि हनाव स्वये ह्नां,
आखलन स्वान हंसे मालको खं तसे
मालिनीया लाहातिस बिल ह्नां ॥३॥

उजुलि स्वान स्वसे मालिनी खुसी जुसे
उगुलि स्वान ज्वसे वन ह्नां,
सुलोचना रानीया सभास वनाव
रानीया लाहातिस बिल न्हां ॥४॥

सुलोचना रानीन उगुलि स्वान स्वसे
सुनान हन घका नेन ह्नां,
अपुरुष सुन्दर छह्ना जि छेस वास वल
वह्नासेन हन घका कन न्हां, ॥५॥

सुलोचना रानीन सखीगन लितकाव
उभानस ह्मिते घका वन ह्नां,
थम याके वनाव मालिनी सलताव
सखी गण उभानस छोट ह्नां ॥६॥

मखनाथे खापा खंसे किचोतन कितकाव
 बागोल मिखा कसे स्वत ह्तां,
 माधवराजाया अति निद्रा जुयाच्वन
 ख्वालस पित्तु पिया स्वत ह्तां ॥७॥

दनाव स्ववबेले माधव राजान
 सपनास खना थें तु ताल ह्तां,
 राजा व रानी व थिथि नेत्र चूलानाव
 मूच्छान कल थिथि निह्य ह्तां ॥८॥

रानीन आज्ञा जुल थनिन प्यन्हुस
 जित जा मेले बिये त्यन ह्तां
 राजा दको मुनकाव स्वयम्बर न्यायकाव
 गुणाकर राजायात बियु ह्तां ॥९॥

माधव राजान रानीयात सत्य बिल
 जज्ञेस हरण याना यने ह्तां,
 भद्रव सल गसे सलया ह्यस तसे
 बेगन, ब्वातकल यने ह्तां ॥१०॥

मालको खं ल्हासे राजायाके बेला कासे
 सुलोचना थव छेंस वन ह्तां,
 मातनस चोनाव ल्हाकी खं नेनाव
 कुचेतहा क्वहाँ वया च्वन ह्तां ॥११॥

स्वयम्बर न्यायकाव राजा दक्क मुनकाव
 सुलोचना कन्या बिये त्यन ह्तां,
 सुलोचना रानीन माधव मखनाव
 मनस अति घन्दा जुल ह्तां ॥१२॥

माधव राजाया अति निद्रा वयाव
 कुचेतन सल गया वन ह्तां,
 सुलोचना रानीन याननं खनाव
 माधव वल घका च्वन ह्तां ॥१३॥

हामल कुश तसे माम बुबा निह्मासेन
 सुलोचना कन्या बिये त्यन ह्तां,
 सलया बेगन कुबुद्धि कुचेतन
 सुलोचना हरण याना यन ह्तां ॥१४॥

राजा रानी आदिन समस्त लोक पनि
 सकल आताहनं च्वन ह्तां,
 गुणाकर राजाया अति लज्या जुयाव
 फकिर जुयाव वन ह्तां ॥१५॥

माधव राजाया न्हेलनं चायाव
 जवं खवं स्वयाव च्वन ह्तां,
 सल मदु खनाव बेगनं ब्वानाव
 स्वयम्बर धुनकाव च्वन ह्तां ॥१६॥

माधव राजान सुलोचनाया विरहन
फकिर जुयाव वन ह्नां ॥१७॥



(३३) राग सिन्हाज्या । ताल चो ।

गोपाल घनी पनेमते थनि
सिन्हाज्या वने न्हां ॥घु॥

जात जि ग्वालिनो लसिकल मसियानि
छि चित्त बुभे जिन याय मफुनि ॥

जोनेरे मते घनी विनती याय थनि
छको जक तोलताव छोव न्हां ॥१॥

स्वान जा मुखू तिनि स्यनके मते थनि
लिपतस होयु आशा दवनि ॥

लख मदु पुखुलिस पलेस्वान मुखू तिनि
कचिकन थोयु घका ग्याना न्हां ॥२॥

यौवन कचिनि भ्रमर हाला जुल
उमेर जिके गाक मदुनि ॥

यौवन जा दयु तिनि सेनके मते घनी
लिपतसं छि व रस याय न्हां ॥३॥

ह्याउंक पतासि हाकु गहया लन
सपलसं छुना तल धालेपतिस्वां ॥

मिखावान पलेहल न्हातिकासँ हेगु सिन्हः
म्हुतुसिस ग्वालतिन जिकनि ॥४॥

वागमती बिष्णुमती भैरव भगवती
पशुपति गरेश कुमार न्हां ॥

नेपालया छत्रपति श्री रणवहादुर
प्रजायात प्रतिपाल याक न्हां ॥५॥



(३४) राग सिन्हाज्या । ताल चो ।

भाजु सिया मेव मसिया
आशा छि हे छहसिया
सिन्हाज्या वनया लँदाक मसिया
नुगल छिके तया वया न्हां ॥१॥

यौवन नक्वया तरुणी जि जुया
पुसामि मदयकं चोने मफया ॥
बेल जुल कामया अचेत जि जुया
थव मन थमं चिय मफया ॥२॥

दैवन बियाया जित थुया कया
 थुलि छिके जिन घया ह्वां ॥
 शोभा मिसाया मिखा निग्वलया
 बागल मिखा कने मसया ॥३॥

लनया दुने चोन ब्याल निग्वलया
 छित बिय घका मती तथा ह्वां ॥
 लसिकल जि मसिया तरुणी जि जुयाया
 मन मवनि ग्वहा मिजनया ॥४॥

ह्याग जिन मसिया थनि जिन सियाया
 आव जिन तोलते मकया ॥
 छेउ घक चोनाया भरोसा मतया
 मनया सुख भोग दवया ॥५॥



(३५) राग सिन्हाज्या १ ताल चो १

प्याखन हुया थे न्यासि वने सवहा
 हुं ओहा ल्यासे चा ॥६॥

उन जा अति भिन वणा चम्पास्वान
 शोभालाक तिनातल सिनाज्याचितन ॥
 सह्या अति भिन धालेपतिस्वान छुनाव
 ख्वाल चन्द्रमा थे न्यन ह्वां ॥७॥

वा पिल भायला जि वोना यनेला
 मन जा छव लिसे वस ह्मां ॥
 अयले भलि हाये सिन्हाज्या नि वने
 ज्यामियात बजि नके मानि ह्मां ॥२॥

पनेमते भाजु थन हतास जुल आव
 माजुन बोल बियुव ह्मां ॥
 अयले लहि आमाजु बोनाव बिब जित
 मन जा उइनी थें न्यन ह्मां ॥६॥

चोने जि उभानस उगुलि लॅन भासॅ
 मालगु खं ह्माय धुन ह्मां ॥
 भाय धुनला भाजु हाय लासास दिसने
 नस्वाक स्वान भति थव ह्मां ॥४॥

जिलस्वानया माल हनाव कोखायकाव
 स्वचाक उला भोक पुल ह्मां ॥
 निगुलि शरीरया छगुलि जुय धुन
 सदान दया दय माल ह्मां ॥५॥

करुणा कृपा दसे थव दासी मालपाव
 सदान दया दय माल ह्मां ॥
 ह्माकहाया तनमन ह्माना जिन छि चरण
 स्त्री सुख दया दय माल ह्मां ॥६॥

(३६) राग सिन्हाज्या । ताल चो ।

लसिकल न्यासि मिखा मइचा वायो थन भतिचा ॥८॥

लसिकल मिखाया चन्द्रमाया ख्वालचा
न्यासिवनि स्वय नापं नातिकुति चा ॥९॥

तिनिखात्या बागः लंचा मुनिछित्या पत्तासिंचा
जवं खव लपुतिस पुलमालचा ॥१०॥

थथुकोथु पुये सव थव तांया भतुचा
मथाना जे थाय सव थव त्यासेचा ॥११॥

गजू मडु देगःचा भात मडु त्यासेचा
छन्हु वन्हु न्वाके बहः वहे त्यासेचा ॥१२॥

धिकंधाकं लाकचा ख्वाल अति सुन्दरिचा
घसपुना चृपा नया तय वहचा ॥१३॥

छ व जि व थिकचा प्वाथे मडु त्यासेचा
मेव लिथु हय मन मडु त्यासेचा ॥१४॥

लसिकलं कोथाचा पथि हिन! खाताचा
मचा खाचा मडुतले देने बहचा ॥१५॥

बृ याना छपीचा कला काय त्यासेचा
बृ वने मन मडु ज्या खुनिचा ॥१६॥



(३७) राग

पिरतिया पुरुषन वाना जि तथल ॥६॥

भाल यो सदेश जुल यो वनवास
जुया जि मन अति विलास ॥

वसया चरणस चोने जि अतिरस
जुया जि मन अति हतास ॥१॥

मनन भालपा थे मतिल दैवन
तोलताव वन व पुरुषन ह्वां ॥
तिरिया तन मन मबिल दैवन
होनकिव वहा प्रभु ननानं ॥२॥

होलयो जिलस्वान अतिन वासनान
भ्रमरन रस काय मखन ॥
चाह्लस लूमनाव चोना जि याकतन
खोयाव जि नुगल मछिन ह्वां ॥३॥

चाह्ल ह्निनं सुमरपा भीमसेन देवयाके
वस प्रभु ननानं थ्यनक ह्वां ॥
मनया सन्तापन जि शरीर गनावन
फुतयो थ्व जुनि सितिन ॥४॥

भीमसेनया दयान भालयो वहा प्रभु
लसया खं भति ह्वाय ह्वां ॥

ख्वाल जा अति भिन मुसुक हिला केन
खल्लाय अति भिन वचन ह्वां ॥५॥

च्यासल गुयखु आषाढ कृष्णया
आमाबास्या सोमवार दिन ह्वां ॥
थुगुलि बेलस संसारया नृपति
श्री प्रतापसिंह देव ह्वां ॥६॥



(३८) राग सिन्हाज्या । ताल चो ।

छि व जि व जुल घका ननिकतकन सिल
शरमन पिलूय मछाला ह्वां ॥
शरीरस मदुतले धुलपुलुखन भाल भाजु
शरीर रस दसें निसें मभा ह्वां ॥१॥

कायमचा बूय घका आशान चोना भाजु
बुलन म्हायमचा बुल ह्वां ॥
म्हाय मचा बुल घका लँया दथुइ वाना तथल
लँस वकोसेन थ्व सु मचा धाल ह्वां ॥२॥

जला खला ननि कतकं अबु मदु मचा धाल
जिगु नुग तयां तय मज्यू ह्वां ॥
आजु अजिमाया घरम दतसा थ्वा मचाया कर्म दइ
आजु अजिमाया धर्म दय माल न्हां ॥३॥

कायमचा मदुगु मखू म्हाय मचा मदुगु मखू
छाय प्रभु लिथु होनके हया ह्हां ॥

छंगु बानी सिय घुन छंगु चरित्र स्वय घुन
मामं मचां छिमि छेस हुनि ह्हां ॥४॥

लाया लासा मलाय्कुसे बूया तुति मबूकुसे
कोथान पितिनाव हल ह्हां ॥

थथिजागु चाया रात्री गन वने प्रभु स्वामि
थनि चच्छि छि लिकोस देने ह्हां ॥५॥

मिसा जाति गलंथया ज्ञान लं गाचो जोना वया दोन
पापि माया जालं केनका तल ह्हां ॥

बालखस मेले वना छवारन मचा दत
तरुणी जुय नापं मगाक न्हां ॥६॥

घनवारिया म्हायमचा त्वाय ख्याय छाय मिसा
छ लं लिया छिमि छेस हुनि न्हां ॥

माम बूबा मदुगु मखू दाजु किजा मदुगु मखू
छाय प्रभु छिके थुलि हेला न्हां ॥७॥

छिह्हा मचा कासे दिस जित पार बिया छोव
जि मामया सरणस वने न्हां ॥

मिजनया धर्म मदु कचि मुखू सेनका बिल
त्यनगु पुवाचा थें न्यन न्हां ॥८॥

मते मते प्रभु स्वामि सहस्र विनति छिके
तिरि जातिया दोन क्षमा याव न्हां ॥
ह्लाकह्याया दोन थास क्षमा याव न्हां ॥९॥



(३६) राग सिन्हाज्या । ताल चो ।

हरि हरि जि मत्यना प्रभु विघातान यन न्हां ॥घु॥

नक्वया तरुणी जुल पुसामिन वातकाव
छुयाय सिनेहन बाल न्हां ॥

सिनेहन चानाह्य व सिय मफु व वनाप
जि पुसामि बैकुण्ठ यन न्हां ॥१॥

तिलहिल बिल जित घन बिसेतल छिन
सुखन जि चोने घका मन न्हां ॥

घन दव भालपाव धरमस चोना आव
खेललपे मदयक यन न्हां ॥२॥

अबला तिरिया ज्ञान थिर मचोन मन
छदो काय जिन थूगु थास न्हां ॥

खोसे खोसे चानं न्हिनं नुगल मछिन आव
सुनानं मबिव जित बोध न्हां ॥३॥

पुलांगु म्ये

[४७]

ऋतुयागु बेला जुल कामया जोरपुल
 घरमस सिनेहन बाल न्हां ॥
 रूप दव व मिजन जुल जिके मन तसे
 याय धुन छगुलि परान न्हां ॥४॥

तिरि मदव मिजन थिर याय मफु मन
 छदो काय जिन थुगुलि थास न्हां ॥
 पूरवया कमाइन सुख लाय मफु जिन
 छु याय जि सनेहन बाल न्हां ॥५॥

वले वले दुःख जुल आकाशन वल जित
 सुनान मबिव जित बोध न्हां ॥
 शरण सुयाके याय मिसाजात अवलान
 विधातान बिल जित दुःख न्हां ॥६॥

तनमन व मिजन न्हेथुया पुसामि जन
 भजलपे व पुरुष थमंतु न्हां ॥
 ग्वह्य ज्ञानी मिसा जन पुरुष वनाप सियु
 सुगति लायु व मिसान न्हां ॥७॥



(४०) राग सिन्हाज्या । ताल चो ।

नमोलोपा लोग्य जन थव त्वालया गरेश
 लोकसेन सुमलपा श्री वज्रयोगिनी
 सिन्हाज्या वन मइपनि मन जा बोलयो ॥१॥

जवस मपल हाकुलन सिह्लाज्या चितन तिनाहा
 ह्लासस थियक स्वानं छुनाहा
 जितुंजितुं न्वातकु जिमि कलातन न्वायु रे ल्यासे
 न्वातके मते ह्लां ॥२॥

ज्या याना मचायकं ख्यालन न्वातके मदुला,
 यवन यथे थ घाले भाजु छि च जि मखुला
 छि कलातन न्वातसा भाजु जि पनि मदुला ॥३॥

आमथे मखू घे मइ धर्म हने मानि खे
 थिथि माया वनाव छाय छन भालत दव खे
 मदु थ्व संसाले माया मतेले ह्लां ॥४॥

आमथे मखू घे भाजु वाउंकयता काहुने
 मालेन धाय धुन मनबोध बिहुनि
 जिमि पुसामि मभिन ख्वाल विरस चायापु ॥५॥

आमथे मखू घे मइ सिथ बुय मानिखे
 वाउंकयतास लोभ चाया मखुगु कारज यायला
 जि मनस म मइ ह्लाये मते ह्लां ॥६॥

आमथे मखू घे भाजु आम छु खं ह्लाना खे
 छिके मन वन धका थ्व गुमान खं ह्लानाला
 स्वकुत्या हाकह्याया ताहाक ज्ञान जा कायमते ह्लां ॥७॥

धर्म कीर्ति यश थिर थ्व संसार अथिर
 जमया आज्ञा वल न्यासे मवसे मगाक ह्लां
 लोभ माया तोलताव वने स्वहुनि ॥८॥

नमो लोपा नवनाग दसदिगया देव तुं
 आकाशस वायु मेघ राजा नमस्कार याहुनि
 दसकाल सिंहाज्या भिनक प्रसने ॥९॥

स्वान भुज मंगल नेपालया संवत ह्नां
 ज्येष्ठ मास कृष्ण अष्टमी तिथि ह्नां
 ग्यानि गुणी पनिसेन हिस्याय मते ह्नां ॥१०॥



(४१) राग सिंहाज्या । ताल ?

च्यान्हु च्यान्हु सिवा याना भोमसेन देवयाके
 अमंगल बरदान बिल ह्नां ॥८॥

जि वया ला लछि महुनि छि काय सँ भाय घाल
 थुगु छवार लिगनाव दिसं ह्नां ॥

जि काय पुता जा लिगने मखु भलिचा
 जि कायया लजगाल महु ह्नां ॥९॥

अयले माजु हाय छि कायया लजगाल महुसा
 जिगु सिबे लव ह्नाना बिय ह्नां ॥

अयले भलिचा मयजु जि काय लिगने मज्यू
 संदेशया चरिद्रनि स्वय ह्नां ॥१०॥

- अयले माजु हाय छबारनि लिगना दिसँ
भिन जा जुयि जिन मखना ह्वां ॥
- अयले भलिचा हाय बन्दा छन कायमते
दच्छि निदँ जक चोना वयि ह्वां ॥३॥
- आव जिन छुधाय माजु मेगु छु बिनति याय,
छिन सोया यानाव दिस ह्वां ॥
- अयले प्रभु स्वामि संभाय घाये मते
छवारनि लिपिनाव दिसँ ह्वां ॥४॥
- अयले तिरि हाय ताकाल चोने मखु
दछि निदँ जक चोना वय ह्वां ॥
- अयले प्रभु स्वामी सं छता भाय मते
भिनि जा जुयि जिन मखना ह्वां ॥५॥
- अयले तिरि हाये लिगने घाय मते
संदेशया चलिद्रनि सोय ह्वां ॥
- अयले प्रभु स्वामी आव जिन छु घाय
छिन सोया यानाव दिसँ ह्वां ॥६॥
- अयले तिरि हाय हतास चायमते
दक्क फक्क दयेकाव ह्वां ॥
- जवन सगन फसे खवन खोबि हुसे
जि प्रभु खोसे खोसे भाल ह्वां ॥७॥

- अयले प्रभु स्वामी घन्दा छिन कायमते
लंस सोया बलुहुन भासँ ह्नां ॥
- चोतया इयालन कवसोया बेलस
जि प्रभु लिमसोसे भाल ह्नां ॥८॥
- भावगु पिला खुला दत लिसल मडुनि
जि प्रभु गध्य गध्य जुल ह्नां ॥
- स्वतया इयालस मत विसे सोया जिन
मत जा बलुसे वन ह्नां ॥९॥
- अयले माजु हाय सुथ ह्नापां कवसि वना
कवखन लाय बुया वन ह्नां ॥
- अयले भलिचा मयजु घन्दा छन काय मते
कवखया खँ सहि मडु ह्नां ॥१०॥
- अयले माजु हाय लख काल वना वेले
छि काय मन्त घका घाल ह्नां ॥
- सुनान घाल भलिचा गुहामिन घाल भलिचा
छि कायया हित पासां घाल ह्नां ॥११॥
- छु चिन्ह हल भलिचा गुगु चिन्ह हल भलिचा
छि कायया हीरा अंगू हल न्हां ॥
- अयले भलिचा मयजु छ हथि जुयमते
आम खँ खव मखु जुयु न्हां ॥१२॥

अयले माजु हाय मखुगु थ्व खं मखु
छि कायया संसर्ग वने न्हां ॥

कायन वात भलिचा छन वाय घाय मते
जि पापी गन वना सिय न्हां ॥१३॥

अयले माजु हाय ग्वच सिन्ह जोरे याव
छि कायया शरणस वने न्हां ॥

स्वचू खन छेँस च्वना स्वह्य माचा च्वना थास
थनि जि याकतन जुल न्हां ॥१४॥

जला खला निनिमाजु जिमाजु खोयके मते
सकसिनं धिरज बिया तिव न्हां ॥

आव छु याय भलिचा छ गथ हथि जुल,
माजु याकतन तोलते मते न्हां ॥१५॥

पालु वजि दयकाव घलि सहितन
जिमामं व्याहा हइ स्वव न्हां ॥

लायकूया प्रधान वल, थव थिति जंमा जुल
सकसिनं वनेमते घाल न्हां ॥१६॥

मिसाया घरम जुल स्वामियाके भक्ति याय
जि स्वामिया शरणस वने न्हां ॥

गनां ' गने मफयाव ' सकसिनं बिदाबिल
अत्यन्त खुसि जुया वन न्हां ॥१७॥

छजु वस व्छासे वासे छजु वस जोगी बिसे
 छजु वस त्वायभत चिन न्हं ॥
 हाकु गहया लन फिसे दोरिया गान नेसे
 मनिछितया पतासि सिना वन न्हं ॥१८॥
 अनं निसें यानाव देशय चाउयका
 दिपस थेनकल यन न्हं ॥
 अयले गुवात आवाजु जित छुं दुख मजुइकाव
 जिगु प्राण याकन छोव न्हं ॥१९॥
 अयले भलिचा मयजु घन्दा छिन काय मते
 याकन प्राण छोया बिय न्हं ॥
 सिपंस चोनाव त्वायभत चिनाव
 गौरिशिव पुजायाना च्वन न्हं ॥२०॥



(४२) ... । ताल पलिमां ।

हाय हाय प्रभु स्वामि छि गन भाया,
 छन्त घन्दा छाय मिसा ज्याख याना चोना ।
 छि व जि व चोना प्रभु सल्ला स।हुति मदु,
 गन भाया चोना प्रभु गन वना दिया ।

सिलु तीर्थ मोल ल्हुय अति पुण्य लाइ,
 सिलु तीर्थ वनेयात पासा माल वना ।
 पासा माले मते प्रभु छि व जि व वने,
 निह्मतेपू सिलु वने अति पुण्य लाइ ।
 छि व जि व वनेयात जोसी केने मानि,
 जोतिस् केना स्वया जिन बाय माली घाल ।
 जोतिस् केने छाया प्रभु छि व जि व वने,
 छि व जि व मोल ल्हुय अति पुण्य लाइ ।
 ह्म्या बिय मते मिसा छि व जि व बाइ,
 बुभे याना बुभे मजू अवश्यन बाइ ।
 थवछेन दना वना घमाथुसि बास,
 घमाथुली थ्यंका स्वया तिरि लिसे वल ।
 वय घाय मते मिसा छेस लिहां हुनि,
 ह्म्या बिये मते मिसा छि व जि व बाइ ।
 नाप वने नाप च्वने गथे बाय मालि ।
 घमाथुलि दना वना न्यागमानि बास,
 न्यागमानि थ्यंका स्वया तिरि लिसे वल ।
 वय घाय मते मिसा छि व जि व बाइ,
 नाप वने नाप च्वने गथे बाय मालि ।
 न्यागमानि दना वना जैफलपौवा बास,
 जैफलपौवा थ्यंका स्वया तिरि लिसे वल । वय ।

जैफल्पौवां दना वना रानीपौवा बास,
 रानीपौवा ध्यंका स्वया तिरि लिसे वल ॥वय ॥
 रानीपौवां दना वना चतुरालीपौवा बास,
 चतुराली पौवा ध्यंका स्वया तिरि लिसे वल ॥वय ॥
 चतुरालीपौवां दना वना नक्वाब्यासि बास,
 नक्वाब्यासि ध्यंका स्वया तिरि लिसे वल ॥वय ॥
 नक्वाब्यासि दना वना धैबुतने बास,
 धैबुतने ध्यंका स्वया तिरि लिसे वल ॥वय ॥
 धैबुतनं दना वना भिमलपाक्व बास,
 भिमलपाक्व ध्यंका स्वया तिरि लिसे वल ॥वय ॥
 भिमलपाक्वं दना वना धुंच्याब्यासी बास,
 धुंच्याब्यासी ध्यंगु बेले प्रभु क्वछुनादिल ।
 घन्दा काय मते प्रभु सूर्ता काय मते,
 नाप वने नाप चवने गथे बाय मालि ।
 धुंच्याब्यासि दना वना लकडिबिना बास,
 बृभे याना बृभे मजू मिसा अवश्य बाय मालि ।
 लकडिबिनान दना वना सिलु तीर्थ ध्यन,
 सिलु तीर्थ मोल्हुयाबेले जुजुं गंके हल ।
 गनां गने मज्यू मिसा हथि जुया फुत,
 दुलि चोने मनं मिसा सुपालस चोन ।
 सुपालस दना स्वया प्रभु खोया हल,
 छिमि प्रभु खोगु मखु खिचा खोया हगु ।

खिचा खोगु मखु राजा जिमि स्वामि खोल,
 खोय मते प्रभु स्वामि जिति ग्यंहा लाइ ।
 जुजुं बिल तारिस्वान प्रभुयात छुके,
 खोय मते प्रभु स्वामि जिति ग्यंहा लाइ ।
 छति ग्यंहा लाके यात तप याय मानि,
 हिमालस तप यासां छति ग्यंहा मदु ।
 सुपालसं चोना वना अनेगु स्वानया वन,
 प्रभु स्वामि तोलताव राजालिसे वन ।
 निह्यतेपू सिलु वना याकचा जि जुल,
 गना गने मफु मिमा हथि जुया फुत ।
 सिलु तीर्थ लिहाँ वया भिमलपाक्व थेन,
 भिमलपाक्व थ्यंगु बेले तिरि लुमसे वल ।
 भिमलपाक्वं दना वया नक्वाब्वासि वास,
 गन वना नापलाय तिरि लुमसे वल ॥गनां॥
 नक्वाब्वासि दना वया रानीपौवा थेन,
 रानीपौवां दना वया न्यागःमानि थेन ।
 न्यागःमानि दना वया पशुपति थेन,
 नील कण्ठ महादेव दरसन याय ॥गनां॥
 पशुपति लिहाँ वया थव छेँस थेन,
 थःगु छेँस थ्यंगु बेले माम बुवां न्वात, ।
 दाजु किजा सकसिनं हेला जित यात,
 थःगु छेँस चोने छाया जोगि जुया बने ॥गनां॥

जोगियागु भेष कासे हिला माला स्वय,
 राज्ये हिला माला सोयां छति ग्यंहा महु ।
 भिनिदंत तप व्रत जिन याना चवने,
 भिनिदंत तप यासां ध्वतिग्यंहा दैमखु ॥ गनां. ६४
 घन्दा काय मते रानी सुर्ता काय मते,
 थुलि मछि कुमारी केती चाकर नोकर बिय ।
 हीरा मोति जुहार पन्ना तिसा वस बिय,
 नुरे रानी छ व जि व त्रिपासा छको हिते ।
 ध्व खं ह्लाय मते राजा जिमु बित्ति न्यव,
 चतुर्मास अब्सं चोना व्रत सिधय्के मानि ।
 चतुर्मास अब्संयात छंत छु छु माल,
 ध्यल साख चाकु दुरु सकतान माल ।
 प्रजागण सकलयात भोजन याके माल,
 स्वरजया जोगी दक्क सामेल याय माल ।
 जोगी प्रजा दक्को थेन जि प्रभु छहा ममानि,
 स्नान यानाबेले जिमि प्रभु ध्यंक भाल ।
 घन्दा काय मते प्रभु सुर्ता काय मते,
 मातानीया भेष कया छले याना वय ।
 हाय हाय कुमारी केती चरविस पिथा चोन वने,
 चरविस भाय मते रानी भारी कोपरा दिके ।
 थथि जागु कोठास गथे पिथा चोने,
 चरविस वने घका कोठां पिहाँ वल ।

एकान्तन छखे वना वस्त्र दक्क तोल,
 विभूतिन ह्रास बुसे गेरु वस्त्रं पुन ।
 मातानीया भेष कासे छले याना वन,
 जि वय धुन प्रभु स्वामि घन्दा काय मते ।
 निहा नाप वने मज्यू छि नि ह्लापा भासं,
 विचं हिला छित जिन नाप लाक वय ।
 घन्य भाग्य जिगु कर्म स्वामि नाप लात,
 थन चोने मखु प्रभु थव छेँस वने ।



(४३) राग

इन्द्रजात्रा स्वल वडेत नस्वानस्वा कोलन बृय
 ख्वाल ह्यासुकेत,
 नाति कुति सहाःयाय सिह्लल तिय स्वफत
 भिभि ल्यासेचात भिभि ल्यायह्याचात जिके वयतुं ताः
 घाल थाना प्याखन स्वयथाय् ल्यासेत हःडे हःडे लाः
 ल्यासेत च्वंथाय् ल्यायह्याचात घ्वात्तु घ्वाघ्वां वं
 वं सां वं चों सां चों थवत दइ आसातसे लिसे लिसे वं
 छु तरह थ्व मिजंत दु, छु तरह थ्व मिजंत दु
 बिय छतान म्वा,

मईचा योयोगु का तायो तुकिचा मिलिमिलि घाना
बिचकनि सुद्धां का

जि म्हाच निह दव थाज्या लाज्या आखल सव

हलं ग्वलं लुयका थाय सव, स्ववरे भाजुपि हों

हुकु मुकु तमचा तुकु मुकु थाः थारे दोचां थाः

होगं घाचा न्हाको थासां हिपया ज्यो जोगी

नकली छुकिं छाकिं म्वाहाली तुकि ताकि पू

पु रे पु हों हों पू हो हो मिक पू दोचां जा ह्हायपनं मताः

जोगीं जा मिखां मखं तमचां जा तुकुमुकु था भिकाहू

प्यंपा निपा इकु थिकु संका भाजुपि लयतायके सः

चाक हिला मो थिकु कया दोचां चुपा नय सः

द्यो दयकं पुचकि म्वाहालि द्यो दयक घा था दोचा

तमचां जा तुकु मुकु घा भिका हू ॥२॥



(४४) राग

मयना ति ताया लछिमो उति ताया

बहिलीस बोसेतया तलेजु देवचातुं ताया ॥६॥

व हे मइया ग्वालि जा बानलाक

नकतिनि पोलागु खेखोलातुं ताया ।

- व हे मइया पिलाको बानलाक
नकतिनि खानागु तुसिचातुं ताया ।
- व हे मइया खनपा बानलाक
नकतिनि थनागु फोंगचातुं ताया ।
- व हे मइया बयतू जा बानलाक
नकतिनि छिनागु दलुचातुं ताया ।
- व हे मइया तुतु जा बानलाक
नकतिनि थनागु जघुंचातुं ताया ।
- व हे मइया चा जा बानलाक
नकतिनि पोलागु घालेगुलि तुं ताया ।
- व हे मइया नेता जा बानलाक
नकतिनि छुनागु खेँभ्रेचातुं ताया ।
- व हे मइया मिखा जा बानलाक
नकतिनि ध्वयागु पलेस्वां तुं ताया ।
- व हे मइया ख्वाल जा बानलाक
नकतिनि लुवगु चन्द्रमातुं ताया ।



(४५) राग

कर्निमभिं मिसा वयि न्हाथें सना जुयि,
खवकथं सनि मखु मखुकथं सनि,
गसुमला मिसा वयि लाथे सना जुयि,
घरसार फुना वनि पोचि थव जुयि,
डने मालि माख बुख कोथा बाखं ल्हायि,
चलं मभिकथं सना फुकी वाकाय् फायि,
छभि निभिं वना मगा हितुहिला जुयि,
जला खला याके सिसितया तोह माला जुयि,
भकरिया मिसा वयि घुकू तुना जुयि,
अको वस्तु लगय् लाका थव कुसा नालि,
तव्घं चिघं जाति मघा सुखं चोने स्वयि,
डर मदु मिसा वयि मचा वाना जुयि,
घरिधर्म मघा मिसा थव यथे जुयि,
नका तीका पुंका तल्सा भाल्त मतेना घायि,
तमं भति भाल्तं न्वासा मिसा फँ:फँ: जुयि,
थकि थार्कि मिसा वयि लुचि फुचि जुयि,
थव कथं मलातले न्यास्या प्यास्यां जुयि,
दको वस्तु लोना नया भाल्त तोसन् घायि,

घन द्रव्य बिसे तया चोने मचोने यायि,
 नया लप्ते सुखू मचिवं पाचुकल हयि,
 पहलन ग्याना च्वनि तिसा वसः धायि,
 फको जिको साला कया भाल्त लिसें वयि,
 वह भाल्त मलातले ह्मिचा पुइका स्वयि,
 भय लज्या मघा मिसा थव यथे जुयि,
 मदु खस ल्वापु थया मिसां अजे बियि,
 यस घरी तया नका भाल्त वशे कायि,
 रग थुग कला कया दाम न्ह्याथे धायि,
 लंस थुया मिसातसें काको पचे यायि,
 वस तिसा बोययात उपासन चोनि,
 सजं भाजु भागि याना भाल्त दण्ड याकि,
 ख नायू मिसा वयि न्य ख्वया छुना जुयि,
 सह मदु जन्म भसं मिजं केना कायि,
 हथ्याहारि मिसा वयि भाल्त बोयेकल यनि,
 क्षंस चोको दको फुत्का तिव मिक ब्वायि ह्मां,
 ह्माको अर्थ बुभय् याव थवत हित जुयि ॥



(४६) राग

नसा तोसा दतले मिसा यांध्यां मस्यू पासा,
 मनं महं मिसातसें क्वाकवा यायां न्वायू पासा,
 बाय मज्यू होने थाकु मचा नचां केन्यू पासा,
 लाहा तुति नाना दयकाव जुयू पासा,
 भेलासाचो बेनकाव लुतुलुया जुयू पासा,
 गसुमलं मिसा काय गोबेलसं मत्यो पासा,
 जला खला कतकन उपहास यायू पासा,
 लज्या फको जुयकाव मन क्वतुका जुयू पासा,
 यायू मखू सुचुपाचु कचिगल तयू पासा,
 थलभल फुसा हांयका भभघायक तयू पासा,
 माखापिखा इलां प्यनि निरां याना तयू पासा,
 कुछि फिक धुल लाया कुसि प्याखं स्वयू पासा,
 खव मखू चुकरि याना मिजं छोना हयू पासा,
 मायके प्वाकिजा चुलू चुलू वं पासा
 मांभतं ज्या बोलसा थिकिथिकि पं पासा,
 पुतु पुपुं निभा पाना ससि इया नयू पासा,
 धिगिघागि पला तया न्हेलंजक ब्वाना चोन्यू पासा,
 दख लख छसा काप थायजा मफु पासा,
 निबुंद्धि ध्वां मिसां मकु थना चोन्यू पासा,
 कुलाक्षमि मिसा दोषं लक्षिमि न बायू पासा,
 दु बेलस धन जन भसभसं दन्यू पासा,
 हया हया कमाइन लिलाके जा मफु पासा,

नका तीका सुखं तवसा भालत मत्यना घायु पासा,
 तमं भति भालत चासा मिसा भभ घायु पासा,
 थकि थार्कि मिसातसें लाथे सना जुयु पासा,
 दया धर्म मदुमिसां मांबौ ख्वेके स्वयु पासा,
 पहलन ग्याना चोनि तिसा वस घायु पासा,
 फको जिको साला कया भालत लिसे वयु पासा,
 वह भालत मयो मिसाया लाको भालत कायु पासा,
 भय लज्या मघा मिसा यथे सना जुयु पासा,
 बस तिसा बोयेयात उपासना चोनि पासा,
 सजंभाजु अनियाना भालत दण्ड यायु पासा,
 मिसा दुत हययात जाचे बुभे याव पासा
 हीरा मोति परीक्षा थें परीक्षा याव पासा,
 कुह्यायाके भारा कया थें थाना थिना स्वव पासा,
 अज्ञानोन ल्लाना थ्व खँ क्षमा याव पासा ।



(४७) राग भजन ।

गनपति देव भजलपे स्वव स्वव सदान ॥६॥

ऐरावत किसि ख्वाल च्वापु उन सुन्दर

वामन थें वागल मिखा जा स्वगल ॥१॥

थास थास नाग तिसां वाघवर डसा

पा लैन मधि जोसा गसा भतिया नसा ॥२॥

गणया नायक घाल पूजा ह्लापा काल

विघन बिपति दूर बिल सिद्धि फल ॥३॥

पंच दुवाल जुस नेपाल संवतसर

कर जोरी बारबार विश्वहर्षन ह्ला ॥४॥



(४८) राग वसन्त । ताल जति ।

विज्याक श्री मंजुदेव बासन नेपाल

॥धु॥

सिंह्या ह्यस चोस्य चन्द्रहास खड्ग जोस्य

निह्य देवीपनि साथ यास्य ॥

नागबास दहनस सुवर्णाया पत्य चोस २

ज्योतिरूप स्वयम्भू प्रकाश ॥१॥

कालिया प्रमुखन नागराजापनि ह्या

धिथि रस यास्य चोन ॥

सुखन कोकिल आदिन चक्रवस हंसन २

अनेक जल पक्षीया वास ॥२॥

अगाध दहें खना लखस कववाय ग्याना

कापोतल पर्वतस वना ॥

देव दैत्य मनुष्यया मनयानु भाव स्वया २

परबत ध्यना लख छोना ॥३॥

नागराजापनि हया दहनस बास बिया

स्वयम्भूया दरसन याय ॥

प्यगोल शिलया ख्वाल रंग वण सहकाल २

नरपति राजेन्द्र विक्रम ॥४॥



(४६) राग केदारा । ताल जति ।

लोकनाथ बिब जित ज्ञान बरदान ॥धु॥

अतिन सुन्दर ख्वाल अरुण समान

सुरज थ्ये थिक लुया चिथया समान ॥१॥

होसे चोन पलेस्वान हल मिखा बान

अमिताभ तथगत सिरस तयाव ॥२॥

अनेक रतन मानिक तिसान तियाव

तँ तँ ह्याउँ वाउँ स्वान सिरस तयाव ॥३॥

छिपालि निपाया कोस वेदन याडाव

स्वरगया अधिपति लात छि सेवान ॥४॥

पुन्यलछिमिया स्वामि राज्यप्रकाश

यात बल बिब थव मचा भालपाव ॥५॥



(५०) राग कोला । ताल चो ।

मायादेवीया काय अतिन सुन्दर	
जगत संसार रक्षा याक	॥४॥
लुंया उन शरिरस लसिकल रे	
गेरु वसत नं अतिक लोव	॥१॥
पल्य हल थिङ मिखा बानलाक वस रे	
कुलि २ सँ दुह्य बह्य भगवान	॥२॥
परहित यायगुलो अतिन रस याव रे	
ग्वह्य २ दुखि जुल बह्य सुखीयाक	॥३॥
जोग ध्यान याकथास सहस्र तिरी बल रे	
पिरतिस भावन निसुज याक	॥४॥
विषयस लोभ मदु वसया नित्य हर्ष रे	
अनुत्तर बोधिपद लाना बिज्याक	॥५॥
नेपालया ईश्वर श्रीनिवास मल्ल	
दुखिजन जगतया आशा	॥६॥



(५१) राग श्री । ताल चल्ती ।

सुन्दर बिभूति बूसा गौरी खवखे तसा,	
सदान वसया गय थुसा	॥

नन्दी भिन्दी निह्य पासा त्रिसूल डमरु ज्वसा
 सिरस मुटुक लूया पुसा ॥१॥
 यस गजि घतुर नसा जतान सपोल हिसा
 हालया जभित जस तिसा ॥
 घुंया छेंगुलि लासा बालक चन्द्रया छुसा
 थास थास भिङ् बिया तिसा ॥२॥
 वोसत भिगुलि दिशा जगतया वह्य पुसा
 तरहन मेव मदु घासा ॥
 भगत जनया आशा फुतकु अनेक दशा
 त्रिपुर असुर जुल स्यासा ॥३॥
 भाव भगतिन यासा संसारया नाम कासा
 मोलमाल गलस कोखासा ॥
 ह्लाकह्यया मन तसा व बिनान मदु तसा
 पुरे याव जि मनया आशा ॥४॥



(५२) राग नट । प्रताल ।

आशा जि लोकेश्वर छिपालि पलेहलया
 लखलपे अनाथ जि स्वयाव ॥ध्रु॥
 सुन्दरी राक्षसनीया रूपन वस्य वन
 वने जि सिंहल स्वयाव ॥

वना वना थास वना रसिकर मन जुया
 थव रूप दरसन बिल ॥१॥
 बाराह सल जुया दक्क लोक ह्यस तथा
 समुदर तरे याना हल ॥
 मायान लिस्वया सल ह्यन कुतिवल
 थव नाला यन लित बोनाव ॥२॥
 छलपोलया ताम कास्य चरण भोकपुसे
 सिंह छह्य छे लिध्यन ॥
 दयान जुजु जुया घरमस लोक तथा
 धन्य धन्य लोकनाथ धाय ॥३॥
 चगु नारांग हगुया वरष ध्व नेपालया
 फुतकि पाप मति लोकया ॥
 ल्हाकह्यन ल्हास्य तथा द्वन थास क्षमा यास्य
 नरपति श्रो राजेन्द्र धाय ॥४॥

॥

(५३) राग मालश्री । ताल जति ।

कालिका नागबालिका छलपोल जगताधार रे ॥धु॥
 वचु सुपाच समान सलिरस वसत जनिख धुँछेंगुलि
 मोल मुकुटस कवन छेलस मोति भलक तथाव रे
 गलस नरछेल गजन वसक्कस हार तल भिड मोति रे
 खङ्ग खप्पर सुलि व दबुदबु घरलपु प्यका ल्हात रे ॥१॥

नुगल कुति कुति थयान आतापुति ल्होल प्यन कतुतीन रे
रक्त वीजह्य सतुरि दैत्यया जुभनया ह्य हिफुतिन रे
अतिन भयकर मुरति वह्यसया कुलि तयान सँफहन रे
भूपतींच्या मनस तनमन भाव भगति तयाव रे ॥२॥



(५४) राग गौरि । ताल चो ।

आरति भगवान पीरतिन लाय
नसंचास नामकाय ध्यान जप याय ॥
मोह माया तोलताव वस सिवा याय ॥आरति ॥
बाजन थानाव भक्तिनि याय ॥
गीत याना भावन दरसन लाय ॥आरति ॥
स्वगुली भुवनस अधिपति घाय ॥
लाखलपि हुनि प्रभु जिपनि खनाव ॥आरति,॥
ययान मदु व खे दरसन याय ॥
पार्थीवीन्द्र मल्लया सुवचन लाय ॥आरति ॥



(५०) राग कोला । ताल चो ।

मायादेवीया काय अतिन सुन्दर	
जगत संसार रक्षा याक	॥६॥
लुंया उन शरिरस लसिकल रे	
गेह वसत नं अतिक लोव	॥१॥
पल्य हल थिङ मिखा बानलाक वस रे	
कुलि २ सं दुह्य वह्य भगवान	॥२॥
परहित यायगुलो अतिन रस याव रे	
ग्वह्य २ दुखि जुल वह्य सुखीयाक	॥३॥
जोग ध्यान याकथास सहस्र तिरी वल रे	
पिरतिस भावन निसुज याक	॥४॥
विषयस लोभ मदु वसया नित्य हर्ष रे	
अनुत्तर बोधिपद लाना बिज्याक	॥५॥
नेपालया ईश्वर श्रीनिवास मल्ल	
दुखिजन जगतया आशा	॥६॥



(५१) राग श्री । ताल चल्ती ।

सुन्दर बिभूति बूसा गौरी खवखे तसा,	
सदान वसया गय थुसा	॥

(५६) राग जयश्री । ताल चो ।

आरति श्री घन सम्मुख याय
निशिदिन दशबल नामनि काय ॥
अक्षत, चन्दन पुष्प धुपाय,
रस दीप सहित पूजन याय ॥
ताल मृदंग व धोलक थास्य
डमरु प्रभितिनं शंख बजाय ॥
'पर्वत सागर रत्न' मिलाय,
कर ज्वरिज्वरिनं बिनति खँ ल्हाय ॥

